

ANUNCIO

BASES E CONVOCATORIA DO CONCURSO DE RELATO CURTO "ARZÚA CONTRA A VIOLENCIAS MACHISTAS"

DON DANIEL MOSCOSO SIXTO, TERCEIRO TENENTE DE ALCALDE DO CONCELLO DE ARZÚA (A CORUÑA), aprobou por decreto n.º 845/2024 de data 15/11/2024, as seguintes bases e convocatoria do concurso de relato curto "Arzúa contra a Violencias Machistas":

O Concello de Arzúa, co obxectivo de sensibilizar e concienciar á mocidade sobre a importancia de loitar contra as violencias machistas, convoca o concurso de relato curto "Arzúa contra a Violencias Machistas", dirixido a crianzas e mocidade nacida entre os anos 2000 e 2014, segundo as seguintes bases:

1. OBXECTO DO CONCURSO

O presente concurso ten como finalidade promover a reflexión e visibilización da problemática das violencias machistas a través da creación literaria, fomentando a participación da mocidade nunha iniciativa que busca xerar un espazo de diálogo e concienciación social.

2. PERSOAS DESTINATARIAS

O concurso de relato curto "Arzúa contra a Violencias Machistas" consta de dúas categorías:

- Categoría A: nados e nadas entre os anos 2011 e 2014 (ambos inclusive)
- Categoría B: nados e nadas entre os anos 2000 e 2010 (ambos inclusive)

Poderán participar crianzas e mocidade con residencia en Arzúa ou que estean estudando ou traballando no termo municipal.

3. TEMÁTICA

Os relatos deberán abordar a temática das violencias machistas en calquera das súas manifestacións (física, psicolóxica, sexual, económica, social, etc.), promovendo valores de igualdade, respecto e sensibilización.

4. PRESENTACIÓN DE RELATOS

Cada participante poderá presentar un só relato, que deberá cumprir as seguintes características:

- Os relatos deberán ser orixinais e inéditos, non podendo ter sido premiados en concursos anteriores nin publicados.
- A extensión mínima será de 500 palabras e a máxima de 1000 palabras.
- Os textos deberán estar escritos en galego.

5. MODALIDADE DE PRESENTACIÓN

As persoas que desexen participar deberán presentar o relato en formato dixital (PDF) a través do formulario que estará dispoñible na páxina web municipal, no que se dará consentimento para a reprodución, edición e exhibición da obra por parte do Concello de Arzúa en calquera medio ou publicación (Anexo I).

En caso de persoas menores de idade, deberá adxuntarse no formulario de inscrición escrito de autorización (Anexo II) para poder participar no concurso asinado pola nai, pai, representante legal ou titor/a legal.

No caso de non residir en Arzúa, documentación que acredite estar vinculado/a ao concello (certificado de estudos ou de traballo).

O prazo de entrega será do 15 de novembro de 2024 até o 4 de decembro de 2024 ás 23:59.

6. XURADO

O xurado estará composto por persoas vinculadas ao mundo da cultura, a igualdade e a loita contra a violencia de xénero, así como representantes do Concello de Arzúa.

O fallo do xurado será inapelable e darase a coñecer o día 12 de decembro de 2024.

7. CRITERIOS DE VALORACIÓN

O xurado valorará especialmente:

- A adecuación á abordaxe da temática das violencias machistas na nosa sociedade.
- A orixinalidade e creatividade do relato.
- A calidade literaria e expresiva.
- A capacidade de sensibilización e concienciación sobre a problemática das violencias machistas.

8. PREMIOS

Concederáse en cada unha das categorías tres premios consistentes en bonos a canxear nos establecementos adheridos á campaña "Que a vergoña sexa deles" de concienciación contra as violencias machistas, desenvolvida polo Concello de Arzúa con motivo da conmemoración do 25 de novembro, Día Internacional contra as violencias machistas.

O valor dos bonos será o seguinte:

- 1º Premio: 150€
- 2º Premio: 100€
- 3º Premio: 50€

O prazo para gastar os bonos será desde o 16 até o 31 de decembro de 2024.

O premio poderá declararse deserto se, ao criterio do xurado, os relatos presentados non cumpren cos requisitos de calidade ou adecuación temática.

9. ENTREGA DE PREMIOS

A entrega dos premios realizarase nun acto público no Concello de Arzúa. A persoa gañadora será notificada previamente a través dos datos de contacto proporcionados.

10. DEREITOS DE REPRODUCCIÓN E COMUNICACIÓN PÚBLICA DAS OBRAS

As persoas participantes no concurso, polo mero feito de selo, ceden ao Concello de Arzúa, a título gratuito, e por un prazo máximo de 10 anos, os dereitos de reprodución e comunicación pública das obras que presenten, podendo o Concello da Arzúa, durante o devandito prazo, utilizar as obras, sempre no ámbito das súas

competencias. As persoas autoras conservarán, en calquera caso, os dereitos para facer que se recoñeza a súa condición de tales, e á integridade das súas obras, de forma que o Concello de Arzúa non poderá modificar ou alterar as obras sen o consentimento da persoa autora.

11. ACEPTACIÓN DAS BASES

A participación no concurso supón a total aceptación das presentes bases. Calquera cuestión non prevista será resolta polo xurado.

12. TRATAMENTO DE DATOS DE CARÁCTER PERSOAL:

O presente artigo ten como obxectivo dar cumprimento ao establecido na normativa de protección de datos en canto á información que debe facilitarse ás persoas interesadas. En virtude diso infórmase:

- (a) Ten a condición de responsable do tratamento o Concello de Arzúa
- (b) A finalidade para o tratamento de datos persoais en relación co procedemento de selección de participantes do CONCURSO DE RELATO CURTO “ARZÚA CONTRA AS VIOLENCIAS MACHISTAS” tendo como bases de lexitimación xeral as seguintes:

I. Estarán lexitimados polo interese público os tratamentos de datos realizados para a xestión do procedemento de selección como a xestión de solicitudes e os actos de instrución.

II. Terán como base de lexitimación o cumprimento dunha obrigação legal os seguintes tratamentos en relación coas normas que se citan a continuación:

- (a) As publicacións realizadas con efectos de notificación de acordo coas normas do procedemento.
- (b) As publicacións realizadas en páxina web do Concello e o taboleiro de anuncios esixibles pola Lei 19/2013, do 9 de decembro, de transparencia, acceso á información pública e bo goberno.
- (c) O responsable do tratamento poderá obter aqueles documentos para achegar no procedemento que se achen en poder doutras administracións públicas, salvo que vostede opoñase na solicitude.
- (d) Así mesmo, aquela información persoal declarada pola persoa interesada e que obre en poder das Administracións Públicas, o responsable poderá efectuar no exercicio das súas competencias as verificacións necesarias para comprobar a exactitude dos datos.
- (e) Os datos conservaranse durante o tempo necesario para cumprir coa finalidade para a que se solicitaron e para determinar as posibles responsabilidades que se puidesen derivar da devandita finalidade e do tratamento dos datos e de conformidade con normativa de arquivos e documentación.

A persoa interesada pode exercer os seus dereitos de acceso, rectificación, supresión, a limitación do seu tratamento, oposición, portabilidade e non ser sometido a unha decisión baseada exclusivamente no tratamento dos datos persoais a mediante escrito dirixido a Concello de Arzúa con sede na rúa de Santiago, 2, 15810 – Arzúa. A persoa interesada ten dereito a contactar ou reclamar diante do Delegado de Protección de Datos cuxos datos de contacto son: Ramón Santos Pérez (ramon@nossoluciones.es) .Así mesmo, no caso de que entenda vulnerado o seu dereito á protección de datos, a persoa interesada ten dereito a reclamar diante da Axencia Española de Protección de Datos a través da sede electrónica accesible na páxina web <https://www.aepd.es/>

Información adicional: <https://arzua.gal/politica-privacidade>

ANEXO I

A) TÍTULO DA OBRA: _____

B) CATEGORÍA NA QUE SE PRESENTA:

- Categoría A: nados e nadas entre os anos 2011 e 2014 (ambos inclusive)
 Categoría B: nados e nadas entre os anos 2000 e 2010 (ambos inclusive)

D) AUTORÍA DA OBRA

- NOME E APELIDOS: _____
- DOCUMENTO DE IDENTIFICACIÓN (NIF/DNI/PASAPORTE/OUTROS): _____
- SEXO: _____
- DATA DE NACEMENTO: _____
- DOMICILIO: _____
- TELÉFONO: _____
- CORREO ELECTRÓNICO: _____

AUTORIZO a comprobar os meus datos no padrón municipal no Concello de Arzúa e consinto a reprodución, edición e exhibición da obra por parte do Concello de Arzúa en calquera medio ou publicación

Sinatura da persoa autora

ANEXO II

AUTORIZACIÓN DO REPRESENTANTE LEGAL, NAI, PAI OU TITOR/A LEGAL PARA A PARTICIPACIÓN DE NENAS, NENOS, MOZAS E MOZOS DE MENOS DE 18 ANOS

Eu, D/Dª: _____
Co seguinte DOCUMENTO DE IDENTIFICACIÓN (NIF/DNI/OUTROS): _____

AUTORIZO a: _____
como representante legal, nai, pai ou titor/a legal e consinto a súa participación no concurso de relato curto “Arzúa contra as violencias machistas” do Concello da Arzúa, a comprobar os datos da miña filla ou fillo no padrón municipal no Concello de Arzúa e consinto a reprodución, edición e exhibición da obra da miña filla ou fillo por parte do Concello de Arzúa en calquera medio ou publicación.

Sinatura do/da representante legal, nai, pai ou titor/a legal

Información básica sobre Protección de datos Responsable: Concello de Arzúa. Finalidade: Prestar os servizos solicitados. Lexitimación: Misión de interese público. Persoas destinatarias: Non están previstas cesións de datos a terceiros. Dereitos: Ten dereito a acceder, rectificar e suprimir os datos, así como outros dereitos, indicados na información adicional, que pode exercer dirixíndose a **ramon@nossoluciones.es**. Procedencia: A propia persoa interesada. Información adicional: [https:// arzua. gal/ politica-privacidade](https://arzua.gal/politica-privacidade)

Arzúa, 15 de novembro de 2024

O alcalde

Asdo.: Xoan Xesus Carril Ramos